

堯山堂外紀

真山堂外紀卷三十八

晉陵蔣仲舒編

五代

梁唐晉漢周

陳搏

字圖南亳州真源人與老子同鄉里自號扶搖子唐僖宗封清虛處士歷五代

亂離游行四方後隱居華陰山周世宗賜號白雲先生宋太祖賜號希夷

陳希夷嘗舉唐長興中進士不第遂不復干祿乃

隱華山雲臺觀華陰令強起之先生為詩曰華

山高處是吾宮出即凌空跨晚風臺殿不將金

鎖開來時自有白雲封。今得詩愧謝。

毛女在華山山客撰

師世世見之。體生毛自言秦始皇宮人。傳在華山。或謗以與毛女往來。

陳希夷迹初有詩云。十年蹤跡走紅塵。回首青山入夢頻。紫陌縱榮華。及睡朱門雖貴。不如貧。愁聞劔戟扶危主。悶見笙歌聒醉人。携取舊書歸舊隱。野花香鳥一般春。

陳希夷居雲臺觀。日多閉門獨臥。或累月不起。周世宗召入禁中。局戶試之。月餘始開。搏然睡如

故對御歌云臣愛睡臣愛睡不臥穩不蓋被片  
石枕頭簑衣鋪地震雷掣電鬼神驚臣當其時  
正鼾睡閑思張良悶想范蠡說甚孟德休言劉  
備三四君子只是爭些閑氣爭如臣向青山頂  
上白雲堆裏展開眉頭解放肚皮且一覺睡管  
甚玉兔東升紅輪西墜希夷初隱武當有五老  
人來聽講易謂希夷曰  
吾輩日月池中龍也此非君所棲令閑司御風  
而行頃之已至華山石上上或云希夷之睡乃  
五龍整法  
龍所授也

有衣冠子金勵問希夷先生曰勵向遊華山謁見  
先生先生睡未覺亦有道乎先生笑而不言答  
之以詩云常人無所重惟睡乃為重舉世此為  
息魂離神不動覺來無所知知來心愈用堪笑  
塵世中不知夢是夢馮翊士冠朝一常事真人  
得睡之產畧後還鄉惟睡  
而已郡南劉聖範往謁其徒以睡告聖範坐寢  
外聞鼾聲之聲雄美可聽退而告人曰冠先生  
睡中有樂乃華胥調雙門曲也或曰未審譜記  
何如聖範以濃墨塗紙滿幅題曰混沌譜云即  
此是也

自晉漢以後希夷每聞一朝革命嘖嘖數日人有  
問者瞪目不答一日方乘驢遊華陰市聞宋祖  
登極大笑墜驢曰天下自此定矣太平興國中  
嘗兩入朝太宗賜詩云曾向前朝出白雲後來  
消息杳無聞如今若肯隨徵召總把三峰乞與  
君先生服華陽巾草屨垂條以賓禮見賜坐後  
再召辭表曰九重仙詔休教彩鳳啼來一片野  
心已被白雲留住端拱初命弟子張超鑿石為

室化形蓮花峯下

李琪

唐昭宗朝中第梁祖受禪自前殿中侍御史擢翰林學士

李琪父敬唐廣明中佐滑州幕琪生而敏異十歲  
通六籍十三工詞賦頌府帥王鐸聞而異之總  
角謁鐸達蜀中詔到用夏州拓跋思恭為京北  
收復都統鐸命作詩卽秉筆立製云飛騎經巴  
檉鴻恩及夏臺將從天上去人自日邊來此處  
金門遠何時玉輦迴早平關右賊莫待詔書催

鐸益奇之執琪手曰其鳳毛也時年十四

傳宗再幸

梁洋琪竊賦有哀痛不下詔登封誰上書之句

### 王易簡

易簡唐末進士梁乾化中及第名居榜尾不看榜却歸及辭官歸隱畱詩一絕曰汨沒朝班愧不才誰能低拆向塵埃青山得去且歸去官職有來還自來及再召為郎遷諫垣臺閣三十年歸華山十年而終



馮道

字可通初事劉守光為叅軍再事張承業為巡官得薦於晉王後事唐事晉事

契丹事漢事周對耶律德光自稱無才無德癡頑老子子吉字惟一滑稽無行為太常少卿頗不得意以杯酒自娛每朝士宴集雖不召亦常自至酒酣即彈琵琶彈罷賦詩詩成起舞時人愛其俊逸謂之三絕

後唐天成元年命馮道趙鳳充端明殿學士非舊號也道笏記云天下儒生僅餘萬數殿前學士只有兩人時輩榮之

馮道與趙鳳同在館中書鳳有女適道仲子以飲

食不中為道夫人譴罵趙令婢長號知院者來  
訴凡數百言道都不答及去但云傳與親家翁  
今日好雪

明宗不豫馮道入問疾道言寢膳之間尤宜調謹  
因指御前果實曰如食桃不康他日見李思戒  
馮道和凝同在中書一日和問馮曰公靴新買其  
值幾何馮舉左足曰九百和性褊急顧吏詬責  
曰吾靴何用一千八百馮舉其右足曰此亦九

百

馮道之在中書也有舉子李導投贄所業馮見之  
戲謂曰老夫明道秀才亦明道於禮可乎李抗  
聲曰相公是無寸底道字小子是有寸底道字  
何謂不可公笑曰老夫不惟名無寸諸事亦無  
寸吾子可謂知人矣了無怒色

馮道門下客講道德經首章有道可道非常道門  
客見道字是馮名乃曰不敢說可不敢說非常

不敢說

范陽竇禹鈞以諫議大夫致仕五子俱登第義方  
家法為一時標表馮道贈詩曰燕山竇十郎教  
子有義方靈椿一株老仙桂五枝芳五子長儀  
禮部尚書次儼禮部侍郎皆為翰林學士次侃  
左補闕次俛叅知政事次僖起居郎時謂竇氏五龍  
馮瀛王鎮南陽郡中宣聖廟壞有酒戶十餘輩投  
狀乞修瀛王未及判一幕客題四句狀後云槐

影參差覆杏壇。儒門子弟盡高官。却教酒戶重  
修廟。覺我慚惶也不難。瀛王遽罷其請出已俸  
重修

瀛王性仁厚家有一池得生魚則畜之每為其  
子監丞竊釣瀛王聞之不悅乃峻垣鑰戶書一  
詩門版曰高却墻垣鑰却門監丞從此罷垂綸  
池中魚鼈應相賀從此方知有主人

楊凝式

涉之子歷仕梁唐晉漢周以心疾致仕居書畫獨步一時求字者紙軸

惟金疑式浩數曰無奈許  
多備主真尺二寬家也

楊疑式有材自負遇寺觀幽勝之地吟咏忘歸筆  
跡殆徧馮惟一題壁下曰少卿真跡滿僧居祇  
恐鍾王也不如為報遠公須愛惜此書書後更  
無書安鴻漸題曰端溪石硯宣城管王屋松煙  
紫兔毫更得孤卿老書札人間無此五般高  
洛陽歌婦楊苧羅聰惠有才思楊疑式甚憐之時  
有僧雲辨者善講經楊令對歌者講忽步珠璣

絲颺雲辨前楊笑謂歌者曰試朝得着奉絹二  
匹歌者應聲曰吃得肚嬰撐尋思繞寺行空中  
設羅網只待殺蟲生辨體充肚大故朝之楊見  
詩絕倒大叫和尚將絹來雲辨慙且笑與絹五  
匹

和凝

字成績夢人以五色筆一束與之謂曰

三年在薛廷珪下第十三人及第時年十  
九後凝知貢舉獨愛危質文語質曰君文  
合在第一報屈居第十三人用傳老夫衣  
鉢時以為榮凝封魯國公質入宋位至宰相

相亦封  
魯公

和疑少年時好為曲子詞布於汴洛洎入相專託  
人收拾焚毀不暇契丹入夷門號為曲子相公  
香奩集和魯公詞也貴後琢其各於韓偓自為  
游藝集序云予有香奩藏金集不行于世疑在  
政府避議論諱其名又欲後人如  
故游藝集序寔之此疑之意也

優童解紅舞衣紫緋繡襦銀帶花鳳冠和疑賦解  
紅歌云百戲罷五音清解紅一曲新教成兩箇  
瑤池小仙子此時奪却柘枝名  
今誤傳  
呂洞賓



李翰及第於和凝榜下後與座主同任學士會凝  
作相翰為承旨遣當批詔次日於玉堂輒開和  
相舊閣悉取圖書器玩去因畱一詩於榻云座  
主登庸歸鳳閣門生批詔立鰲頭玉堂舊閣多  
珍玩可作西齋潤筆不魯公有白方硯通明無  
纖翳得之于峨眉山比丘

公自題硯室  
曰方光

和魯公慷慨厚德每滑稽則哄堂大笑時博士楊  
永符能草聖有省郎聞魯公笑聲戲謂楊曰丞

相口歡永符曰予忝事筆墨方揮掃之際亦謂

太博手怒耶

疑在朝率同列遇日以茶相飲未劣者有罰號為湯社

唐莊宗存勗

本姓朱邢先世唐賜姓李帝幼善音律或時自傳粉墨與優人

共戲優名謂之李天下同光初立劉夫人

為后后少因兵亂與父相失及貴寵其父

劉山叟負藥貧詣宮門請見時諸嬪御爭

以門第相尚后恐為已辱即曰妾離家時

父已亡歿安得有是命驛出杖之帝常于

宮中教服携篋裝劉山叟尋女以為戲笑

唐主滅梁納其妃郭氏許收葬末帝殷鵬作誌文

誓句云七月有期不見望陵之妻九疑無色空

餘泣竹之妃聞者為之悽然

莊宗滅梁平蜀志願自速命蜀匠旋

織十幅無縫錦為被  
村被成賜名六合被

唐三嘗製小詞云曾宴桃源深洞一曲舞鶴歌鳳

長記別伊時和淚出門相送如夢如夢殘月落

花煙重此莊宗自度曲也樂府因取辭中如夢

二字名曲

今誤傳  
呂洞賓

莊宗小酌進新橋命諸侯咏之唐朝美詩先成曰

金香大丞相兄弟八九人剝皮去滓子若箇是

汝人帝大笑賜所御軟金杯

同光末鄭兵作亂帝至萬勝鎮不得

進與元行欽登道旁冢置酒相顧泣下有野人獻雉問其冢名野人曰愁臺也帝益不悅因罷去酒

### 韋吉

天成年盧文進鎮鄧賓從祖餞舍人韋吉年老無力控馭既醉馬逸馳桑林中被橫枝冒挂巾冠露禿而奔僕夫執從則已墜矣舊患肺風鼻癭疹而黑臥于道周幕客無不笑者左司郎中李

任祠部負外任瑤各賦一韻嘲之賦項云當其  
廳子潛窺衙官共看喧呼麥隴之裏偃仆桑林  
之畔藍撓鼻孔直同生鐵之椎覲旬骷髏宛是  
熟銅之罐聞者無不絕倒

桑維翰

字國倫為人身短而面長嘗臨鑑自  
奇曰七尺之身不如一尺之面慨然

有志於公輔初舉進士主司惡其姓與喪  
同音黜之乃著曰出扶桑賦以見志又鑄  
鐵硯示人曰硯蔽則改而他仕卒以進士  
及第或謂晉主馮道作相如禪僧飛鷹乃  
再相

維翰

裴皞知貢舉放三榜桑維翰實正固張礪馬裔孫  
四人拜相後唐清泰二年裔孫知貢舉纔放榜  
謝恩引諸生詣座主宅謁拜裴公以詩示之曰  
宦途最重是文衡天與愚夫著盛名三主禮闈  
年八十門生門下見門生世以為榮

鳳尾袍者  
維翰未仕

時緇衣也謂其緇縷  
穿結類平風尾

桑維翰在中書日嘗謁裴皞皞不迎不送或問之  
答曰皞見翰於中書則庶僚也維翰見皞於私

館則門生也何送迎之有

宋太祖與趙晉論事不合曰安得宰相如

桑維翰者與之謀于晉曰維翰受錢上曰苟用其長當護其短指大眼孔小賜與十萬則塞破

屋子

失

胡崙詩餅裏數枝婪尾春時人固喻其意桑維翰

曰唐末文人有謂芍藥為婪尾春者婪尾酒乃

最後之杯芍藥殿春亦得是名

崙宿學維才未達為耶律德光

所虜北去後間道復歸得瓜種以牛糞種之大如斗而味甘因名西瓜

王仁裕

字德輦少時夢人剖其腸胃以西江水滌之顚見江中沙石皆篆籀文由

是文思日進固  
以西江名集

王仁裕嘗使荆渚高從誨出女妓數十並善彈胡  
琴仁裕有詩美之曰紅粧齊抱紫檀槽一抹朱  
絃四十條湘水凌波慚鼓瑟秦樓明月罷吹簫  
寒敲白玉聲逾婉暎逼黃鶯語自嬌丹禁舊臣  
來側耳骨清神爽似聞韶

仁裕性曉音律石晉初定雅樂奏於永福殿仁裕聞之曰黃鐘音不純肅而無和聲當有爭者起禁中已而果有兩軍校鬪於果龍門

蜀興元境內有斗山觀自平川內聳起一山四面



懸絕其上方於斗底故名上有唐公昉飲李八百仙酒全家拔宅之跡其宅基三畝許陷為坑此蓋連地而上昇也王仁裕辛巳歲於此為節度判官嘗以片板題詩於觀曰霞衣欲舉醉陶陶不覺全家住絳霄拔宅只知鷄犬在上天誰信路岐遙三清寥廓拋塵夢八景雲烟事早朝為有故林蒼栢健露華涼葉鎖金甍斗山一洞西去二千里通於青城大面山又與嚴真觀并

相通仁裕癸未歲入蜀因謁嚴真觀見斗山詩  
碑在焉詰其道流云不知所來當時無不異之  
興元南有大竹路通巴州其路深谿峭巖捫蘿摸  
石一上三日始達于山頂其絕頂謂之孤雲兩  
角彼中諺云孤雲兩角去天一握淮陰侯廟在  
焉昔漢祖不用韓信信遯歸西楚蕭相國追及  
茲山故立廟貌王仁裕入蜀往返登陟留題於  
祠壁曰一握寒天古木深路人猶說漢淮陰孤

雲不掩興亡策。西角曾懸去住心。不是冕旒輕  
布素。豈勞丞相遠追尋。當時若放還西楚。尺寸  
中華未可侵。

王仁裕嘗養一猿名曰野賓。久而放之歸山。因作  
詩放爾丁寧復故林。舊來行處好追尋。月明巫  
峽堪憐靜路隔巴山。莫厭深棲宿免勞。青嶂夢  
躋攀。應慙白雲心。三秋果熟松梢健。任抱高枝  
徹曉吟。後入蜀過潘塚祠前。漢江之陰有羣猿。

聯臂而下飲清流。首一巨猿捨羣而前從者指  
曰此野賓也。呼之猶應。哀吟而去。又作一篇云  
番塚祠邊漢水濱。山猿連臂下嶙峋。漸來仔細  
窺行客。認得依稀似野賓。月宿應勞羈旅夢。松  
棲那復稻梁身。數聲腸斷和雲叫。識得前年舊  
主人。

王仁裕知貢舉。王溥為狀元時。年二十六。後六年  
遂相。周世宗仁裕以詩賀云。一戰文場拔趙旗。

便調金鼎佐無為。白麻驟降恩何極。黃髮初聞  
喜可知。跋勅按前人。到少築沙堤上。馬歸遲立  
班始得遙相見。親洽爭如未貴時。溥在位每休  
沐。必詣仁裕從容終日。蓋唐以來。座主門生之  
禮尤厚云。溥相曰。其父祚累遷防禁使。每見客  
生勞賢者。起避。耶宋祖時。以太  
子太保罷歸。班年終四十二。

王仁裕知事。已年高。有數子皆早亡。諸孫並  
幼。每諸生至門。必延於中堂。與夫人偶坐受講。

生拜如兒孫禮其餅餌羹臠之物皆公與夫人  
親手調品忽一日生徒畢集出一詩牋曰二百  
一十四門生春風初長羽毛成衰翁漸老兒孫  
小他日知誰畧有情

庖載

嘗游相國寺見叢竹可愛作碧鮮賦題  
壁門周世宗命黃門錄進稱善父之載

時為校書郎後兄蒙為右拾遺兄  
弟至直史館掌內外制時號二色

庖載畏內特甚未仕時欲出則謁假于細君細君  
滴水於地指曰不乾須前歸若去遠則燃香印

搗玉某所以為還家之驗。因筵聚方三行。酒戴  
色欲逃遁。朋友默曉譚曰：「扈君恐砌水隱形香。」  
印過界耳。是當罰也。吾徒人撰新句一聯勸請  
酒一盞。眾以為善。乃俱起。一人捧甌吟曰：「解稟  
香三令。能遵水五申。逼戴飲盡。別云細彈防事  
水。短髮戒時香。別云戰兢思水約。匍匐赴香期。  
別云出佩香三尺。歸防水九章。別云命繫逡巡  
水。時牽決定香。戴連沃六七巨觥。吐嘔淋漓。既

上馬羣謀曰若夫人怪遲但道被水香勸盍留

住

是同時禮部郎康疑是妻甚有聲妻嘗病求

鳥鴛鴦為樂而積雪未消難以網捕妻大怒欲

加捶楚凝畏懼涉泥出郊用粒食引致之僅獲

一枚同省劉尚資戲之曰聖人以鳳凰來儀為

瑞君獲此免禍  
可謂黑鳳凰矣

### 孟賁

孟賁見周世宗世宗詢其所作誦云不伐有巢樹  
多移無主花世宗曰朕伐暴弔民何謂有巢無  
主遂不錄用



李慶

周顯德中李慶舉進士工詩有云醉輕浮世事老  
重故鄉人樞密王朴以此聯薦於申文炳文炳  
知舉遂為第三人

于則

于進士則謁外親於汧陽未至十餘里飯于野店  
旁有紫荆樹村民祠以為神呼曰紫相公則烹  
茶因以一杯置相公前策馬徑去是夜夢峨冠

紫衣人來見自陳余則紫相公主一方菜蔬之  
屬隸有天平吏掌豐辣判官主儉然皆嗜茶而  
奉祠者鮮以是品為供蚤蒙厚飲可謂非常之  
惠因口占贈詩曰降酒先生風韻高攪銀公子  
更清豪。碎牙粉骨功成後小碾當銜馬脚槽。蓋  
則是日以小分鬚銀匙打茶故目為攪銀公子  
則家業蔬圃中祠之年年獲收

李喜寧

臨川李喜寧之子十歲能卽席賦詩親友嘗以貧  
家壁試之畧不構思吟曰椒氣從何得燈光鑿  
處分拖涎來藻飾惟有篆愁君牛指也

堯山堂外紀卷三十八終

堯山堂外紀卷三十九

晉陵蔣仲舒編

五代

吳越荆南湖南

吳越王鏐

字具美生時先怪滿室其父欲不舉鄰媼強留之故名錢婆留卒謚

武肅所居殿名槿髮吳音槿惡相亂錢唐人也遂謂曰此大玉惡發殿也傳四世忠懿

王俶納土

歸宋國除

錢鏐王既貴置酒高會父老八十歲以上者金尊百歲者玉尊時飲玉尊者十餘人鏐執爵上壽

歌曰三節還鄉掛錦衣。吳越一王駟馬歸。天明  
明兮愛日輝。百歲荏苒兮會時稀。時父老聞歌  
多不解音律。鏐覺其歡意不洽。乃高揭吳音以  
歌曰。你輩見儂底歡喜。別是一般滋味子。長在  
我儂心子裏。歌訖舉座賡之。叫笑振席。臨安石  
鏐山東

峰有圓石徑二尺七寸其光如鑑鏐布衣時嘗照  
此鏡顧其形服皆冠冕如王者狀其後唐昭宗  
改鏐所居營曰衣錦營又昇衣錦營為衣錦城  
石鏐山曰衣錦山大官山曰功臣山鏐游衣錦  
城宴故老山林皆覆以錦號其  
幼所嘗戲大木曰衣錦將軍

武肅王開國日頻役士卒或夜書其門曰沒了期  
沒了期修城纔了又開池王出見之命羅隱從  
事續書其南云沒了期沒了期春衣纔罷又冬  
衣卒伍悉怡然力役不復怨咨鏐有鐵箭大若  
杵今在杭城南  
新橋雖首出土可憾不可拔父老云掘之則隨  
土陷培之則隨土高鏐嘗晝寢湯沸于爐一童  
子恐其驚寢以水沃之令無聲鏐遶寢見怒曰  
是能窺我心事遂殺之忽見形於前鏐惧乃封  
為臨安土地之神

武肅王登淶波亭閑僧契盈從王曰三千里外一

條水契盈云十二時中兩度潮人以為切對蓋  
其時兩浙貢賦自海路至青州登陸故云三千  
里

武肅王遣使于梁太祖太祖問曰王于國中好何  
物使者曰好玉帶駿馬太祖歎曰真英雄也選  
玉帶一名馬四賜之及宋祖登極忠懿王入朝  
進寶犀帶藝祖顧謂曰朕有三條帶與此蓋不  
同俶請宣示太祖笑曰汴河一條淮河一條揚

子江一條俶大愧服

宋祖宴錢俶王出內妓彈琵琶王獻詞曰金鳳欲  
飛遭掣搦情脉脉看卽玉樓雲雨隔太祖怜之  
起拊其背曰誓不殺錢王

宋祖宴錢俶王於後苑時惟太宗及秦王侍坐酒  
酣詔王與太宗叙兄弟齒坐太宗上俶叩頭辭  
讓繼之以泣方得免俶後入朝太宗亦宴苑中  
俶子安僖王惟濟侍焉太宗手舉御杯賜俶跪



而飲之明日奉表謝其略曰御苑深沉想人臣  
之不到天顏咫尺惟父子以同親其優禮如此  
宋太宗卽位時杭州有和尚行歌于市云還鄉寂  
寂杳無踪不挂征帆水陸通踏得故鄉田地穩  
更無南北與西東或問其說但云明年大家都  
去未幾錢俶王納土

羅隱

字昭諫自號江東生好臧否往往奇中故至今江東人稱前定不爽者猶云羅

隱題破唐咸通乾符中與宗人虬鄭畋名時號三羅又錢唐羅威酷嗜隱詩遣使賂

遺叙其宗姓推為叔父乃  
目已所為曰偷江東集

羅隱為唐相鄭畋所知畋女覽隱詩至張華謾出  
如丹語不及劉侯一紙書大愛其才諷誦不已  
隱貌寢陋女一日簾窺之自此絕不詠其詩

羅隱與顧雲同謁淮南高駢雲為人素雅重而隱  
性傲睨高公畱雲而遠隱隱欲歸武林駢與賓  
幕餞于雲亭時盛暑青蠅入座高命扇驅之雲  
因謔隱曰青蠅被扇扇離席隱見白澤圖釘在

門應曰白澤遭釘釘在門

郡閣閑談謂是冠豹謝觀誤也豹與觀同

在唐崔齊孫相公門下以詞藻相尚謂觀曰君白賦有何佳語對曰曉入梁王之苑雪滿羣山夜登庾亮之樓月明千里豹唯唯觀大言曰僕已擅名海內子才調多胡不作赤賦豹未搜思萬聲曰田單破燕之曰火燎平原武王伐紂之時血流漂杵觀大駭服

唐僖宗幸蜀羅昭諫有詩云馬嵬山色翠依依又見鑾輿幸蜀歸泉下阿蠻應有語這迴休更怨楊妃

唐昭宗播遷隨駕有弄猴者猴頗馴能隨班起居

昭宗賜以緋袍號供奉羅隱賦詩曰何如學取

孫供奉一笑君王便着緋

朱梁篡位取此猴令殿下起居候望殿陛

見全忠徑超其所跳躍奮擊遂令殺之

唐昭宗愛羅隱才欲以甲科處之有大臣奏曰隱

雖有才然多輕易明皇聖德猶橫遭譏將相臣僚豈免凌爍帝問譏謗之詞對曰隱有華清詩曰樓殿層層佳氣多開元時節好笙歌也知道德勝堯舜爭奈楊妃解笑何其事遂寢

羅隱初赴舉過鍾陵見營妓雲英後下第過復見之雲英曰羅秀才尚未脫白隱以詩嘲之曰鍾陵醉別十餘春重見雲英掌上身我未成名君未嫁可能俱是不如人

裴筠婚蕭蓮女問名未幾便擢進士第羅隱以一絕刺之畧曰細看月輪還有意信知青桂近姮娥

關圖有妹甚慧圖常語同僚曰某家有一進士所

恨不櫛耳後寓江陵醴賈常公有子狀貌儒雅  
略曉文墨固以妹妻之則常修也關氏乃與修  
讀習二十餘年修才學優博越絕流輩咸通六  
年登科羅隱下第哀歸有詩別修云六載辛勤  
九陌中却尋岐路五湖東名慚桂苑一枝綠繪  
憶松江滿棹紅浮世到頭須達性男兒何必盡  
成功惟應鮑叔深知我他日蒲帆百尺風又廣  
陵秋夜讀修所賦三篇復吟寄修云入蜀還吳

三首詩藏於篋笥重於師劒關夜讀相如聽瓜  
步秋吟煬帝悲物景也知翰健筆時情誰不許  
高枝明年二月東風裏江島閒人慰所思修名  
望為時所重如此閔氏亦有助焉後修卒閔氏  
自為文祭之時人竟相傳寫

羅隱下第東歸黃冠事平朝賢議欲官隱韋貽範  
曰某曾與同舟而載舟人告云此有朝官羅曰  
是何朝官我脚夾筆可以數得數輩必若登科

通籍吾徒為執轡也由是不果召隱頗款款嘗  
有送竈詩云一盞清茶一望烟竈君皇帝上青  
天玉皇若問凡間事為道文章不直錢

羅隱與桐廬章魯風齊名錢鏐召魯風司筆札不  
就怒而殺之有吳仁璧者關中人中第入浙鏐  
辟入幕府堅辭不就又詩以謝云東門上相好  
知音數展臺前郭隗金累重雖然容食堪力微  
無計報焚林敝貂不稱芙蓉幕哀枵仍慚玳瑁



簪十里溪光一山月。何堪從此負歸心。鏐怒沉  
仁壁於江會隱遊京師不遇歸謁鏐鏐辟為錢  
唐令隱懼而受命然亦時有督過一日侍宴獻  
口號云一箇彌衡容不得思量黃祖謾英雄武  
肅始悔悟加禮於隱

沈嵩與羅隱從事浙西幕下主公出妓衆稱殊麗  
便是姮娥嵩曰姮娥甚陋安可及主公驚曰書  
記識姮娥否曰嵩兩度到月宮折桂何為不識

嵩欲警隱故有是言

江南李氏嘗遣使聘吳越或問見羅給事否使人曰

不識亦不聞名或云四海聞有羅江東何拙之甚使人曰為金腰上無名所以不知

沈嵩嘗得新榜封示羅隱隱批一絕於紙尾曰黃土原邊狡兔肥犬如流電馬如飛灞陵老將無功業尤憶當時夜獵歸

唐光化中錢鏐初授鎮海軍節度命沈嵩草謝表盛稱浙西繁盛成以示羅隱隱曰是自賈征索也請更之乃極言兵火凋敝有天寒而麋鹿來

遊日暮而牛羊不下之語廷臣見之曰此羅隱詞也又賀昭宗更名晔表曰左則姬昌之丰字右則虞舜之全文京師稱為諸鎮第一

錢氏時西湖漁者日納魚數觔謂之使宅魚有不及數者必市以供頗為民害羅隱侍坐壁間有磻溪垂釣圖武肅指示隱索詩隱應聲曰呂望當年展廟謨直釣釣國更誰如若教生在西湖上也是須供使宅魚武肅王大笑遂蠲其征

越州僧處默賦詩輒有奇句題聖果寺云路自中  
峯上盤回出薜蘿到江吳地盡隔岸越山多古  
木叢青靄遙天浸白波下方城郭近鐘磬雜笙  
歌羅隱見吳地越山之聯詫曰此吾句也失之  
久矣乃為師所得耶聞者鄙其儂薄

孫承祐

吳越外戚奢僭異常用千金市得石  
綠一塊天質嵯峨如山命匠治為博

山香爐峰尖上作一暗竅出烟呼不二山  
又用龍腦煎酥製小樣驪山山水屋室人

蓄林木橋道  
織悉備具

孫承祐嘗饌客指其盤筵曰今日坐中南之蟪蛄  
北之紅羊東之鰕魚西之棗栗無不畢備可謂  
富有小四海矣

毛勝

字無教晉陵人吳越功德  
判官壽以天鏡居士自名

毛勝多雅戲以地產魚蝦海物四方所無因造水  
族加恩簿品叙精奇各令一通令者蓋滄海龍  
君之命也封江瑤令曰咨爾獨步玉江殊鼎脗  
仙姿瓊瑤紺體天賦臣美時稱絕佳宜以流碧

郡為靈淵國。追號玉桂仙君。稱海珍元年。封蟹  
令曰爾甘黃州甲杖大使咸宜。作解蘊中足材  
腴妙。蟹德充盈。宜授曹丘。常侍兼美。封鱗令曰  
爾珍曹必用。郎中時充鑄材本美妙。位無高宜  
授諸衙效死軍使。持節雅州諸軍事。封鱗令曰  
爾白圭夫子。貌則清臞。材極美俊。宜授骨鯁卿  
封鼈令曰爾甲拆翁。挾彈于中。巧也。負擔于外  
禮也。介冑自防。不問寒暑。智也。步武懦弱。緩不踰

規繩仁也故前以探甲尚書榮其迹顯其能宜  
授金九丞相九肋君封龜令曰爾元介卿卜灼  
之效吉凶了然所主大矣宜授通幽博士封水  
母令曰爾借眼公受體不全兩相藉賴宜授同  
體合用功臣左右衛駕海將軍封真珠玳瑁令  
曰李歲珍照乘走盤厥價不貲班希裁簪製器  
不仕金銀珠玉之下歲珍宜授圓輝隱士班希  
宜授點花使者封鯉令曰爾鮮于羹斫膾清妙

見稱杜陵宜授輕薄使銀絲省饗德郎封編令  
曰爾縮項仙人鬼腹星鱗道亨襄漢宜授槎頭  
刺史封河忍令曰黃薦可爾澤嫩可貴然失於  
經治敗傷厥毒故世以醇疵隱士為爾之目特  
授三德尉兼春榮小供奉

梁震

蜀依政人歸過江陵高季昌愛其  
才識留之以為謀主呼曰先輩

高季昌初欲奏梁震為判官震耻之欲去恐及禍  
乃請以白衣侍樽俎終身止稱前進士不受高



氏辟署晚年固請退居築室於土洲披鶴氅每  
詣村騎黃牛自稱荆臺隱士題院中壁曰桑田  
一變賦歸來爵祿焉能挽我哉黃犢依然花竹  
外清風萬古凜荆臺羅隱過震居留題曰道院  
迎仙客書堂隱相儒庭栽樓鳳竹池養化龍魚  
孫光憲蜀之資州人旅遊江陵高從誨辟為  
掌書記自號葆光子著北夢瑣言  
孫光憲以兵戈之際書籍不備遇發使諸道未嘗  
不厚與金帛購求焉三年間收書及數萬卷常

慕史氏之作自恨諸侯幕府不足展其才力  
謂交親曰安知獲麟之筆反為倚馬之用因吟  
劉禹錫詩曰一生不得文章力百口空為飽煖  
家

孫光憲贈酒妓應天長詞曰翠凝仙艷非凡有  
窈年華方十九鬢如雲腰似柳妙對綺筵歌綠  
酒醉瑤臺携玉手共燕此宵相偶魂斷晚窓  
分首淚沾金縷袖

孫光憲嘗和南越詩云曉厨烹淡菜春杼織種花  
牛嶠覽而絕倒莫喻其旨牛曰吾子只知其名  
安知淡菜非雅物也後方曉之

### 李郁

李郁為荊南從事有朝士寄書字體殊惡李寄詩  
曰華緘千里到荊門章草縱橫任意論應笑鍾  
張虛用力却教義獻謾勞魂惟堪愛惜為珍寶  
不敢留傳示子孫深荷故人相愛處天行時氣

許教吞

言堪作符也

馬希振

父殷據湖南地唐僖宗在蜀許自開國立臺置卿相分天子之半伏焉

馬希振湖南諸子中白眉也與門下客何致雍僧

貫微聯句希振曰青蛇每用腰為力貫微曰紅

莧時將葉作花又見蟻子緣砌希振曰蟻子子

嘶蟲子子致雍曰猶兒兒捉雀兒兒

後唐莊宗滅梁穀長

子希範修貢京師莊宗問洞庭廣狹對曰車駕南巡十堪飲馬爾莊宗大悅時隱士袁居道不

求聞達希範延入府一日希範病酒厭膏膩居道曰大王今日使得貧家經齒羊詢其故則蔬

也如

廖光圖

常集其家詩為  
廖氏家集一卷

馬殷據潭州時廖光圖自韶陽叛舉族來奔殷將  
拒不納或諫曰廖者料也馬得料必肥遂命光  
圖為永州刺史後其子遊零陵於民間見父題  
壁感而成詩曰下馬連聲叩竹門主人何事感  
遺恩回頭泣向兒童道重見甘棠舊子孫

劉昭禹

字休明湖南天策府學士嘗與人論  
詩曰五言如四十箇賢人著一字如

屠沽不得覓句者若掘得王合子  
底必有蓋但精心求之必獲其寶

劉昭禹少師林寬為詩刻苦風雪詩云句向夜深  
得心從天外歸

徐仲雅

與劉昭禹同  
為天策學士

馬殷建明月園於潭州命徐仲雅賦之仲雅詩云  
鑿開青帝春風園移下嫦娥夜月樓

徐仲雅有清才然性好滑稽周行逢素聞其名及  
據湖南召為節度判官時行逢欲得衆苟能應

募皆置司空太保以誘之自是武陵村落稱司  
空太保者無算仲雅曰公管內滿天太保滿地  
司空行逢不悅未幾大宴僚吏仲雅在座行逢  
夷音呼字多誤仲雅戲曰不於五月五日剪却  
舌頭使語音乖錯如此行逢大怒然仲雅嘗歷  
事馬氏諸王民信服之故不敢加誅後竟以忤  
旨去職因退居山寺暇日咏梭樹曰葉似新蒲  
綠身如亂錦纏任君千度剝意氣自衝天蓋怨

行達而發

鄧洵美

連郡人漢乾祐間與王溥李昉同登進士第皆王仁裕所取士也洵美背

偃時謂之鄧駸周行達署館驛巡官

鄧洵美為性迂僻衆不悅之雖處幕府僚而食貧不暇及王溥為相聞洵美不得志乃為詩寄曰綵衣我已登黃閣白社君猶困故廬自是周行逢稍優給之未幾給事中李昉出使武陵與洵美相遇話舊不覺慟哭因贈詩曰憶昔詞場共



着鞭當時驚谷喜同遷關河契濶三千里音信  
稀疎二十年後盼再奉命祠南嶽則洵美忤行  
逢已為所殺矢復為詩吊其墓有今日向君墳  
畔過不勝懷抱暗酸辛之句聞者無不痛之

李觀象

周行逢以為節度使因行逢戾酷恐及禍乃寢紙帳臥紙被行逢信用之

李觀象性多嫉忌好蔽人之好零陵儒士蔣密能  
吟咏頗得風騷之旨嘗題桑云綠羅因片葉桃  
李謾同時為作者所許觀象聞之佯驚曰此僕

詩何將密之能為士林鄙之

堯山堂外紀卷三十九終